

DISSERTATIO PHILOLOGICA
DE

DUABUS
PURGATIONIBUS
SI DESTINATAE
DEMQUE
RITIBUS

AD LOCUM

LEVIT. XII

QUAM

FAVENTE SUPREMO

PRÆSIDI

DN. IO. GEORGIO

PROFESSORE THEOLOGICÆ PVBLICÆ

ILLVSTRIS GYMNASII RECTORI

EPHORI

PATRONO AC PRÆCEPTORI

IN AVDITORIO PVBLICO

AD DIEM IX. AVGVSTI

AB HOR. IX.-XI.

PLACIDÆ ERVDITORVM

AVCTORI

DANIEL CARO

HALENSIS, S. S.

HALÆ MAGD.

Typis IOANNIS CHRISTIANI P.

OLOGICO - THEOLOGICA
DE

S AVIBVS
ONI LEPRO-
TIS, EARVN-
E MYSTE-
RIO

LOCVM
XIV. I. 8.

QVAM
PREMO NVMINE
ÆSIDE

GIO MICHAELIS.

Æ PVBLICO ORDINARIO, AC
I REGII REFORMATORM
PHORO,

TORE SVO DEVENERANDO,
BLICO ILL. LYCEI REGII
VSTI MDCCXXXVII.
X.-XII. MATVT.

ORVM συζητησεις SVBICIT
CTOR

ROLVS LVTZ,

S. S. THEOL. C.

AGDEBVRGICÆ,

ANI HILLIGERI, Acad. Typogr.

CHICAGO ILL

BS 1255

.M53

1737

c.1

Rare

THE UNIVERSITY OF CHICAGO LIBRARY

ILLVSTRISSIMO ATQVE EXCELLENTIS-
SIMO VIRO,

DOMINO.

DOM. SAMVELI

LIBERO BARONI

DE COCCEJI,

DYNASTAE IN PVCHLIN, ROEPKOW, RELIQA,
AVGVSTISSIMI PORVSSORVM REGIS MINISTRO STATUS
INTIMO,

ADPELLATIONVM SACRORVMQVE TRIBVNALIVM
PRAESIDI,

CAVSSARVM GALLICARVM ET FEVDALIVM
GVBERNATORI,

REGIARVM ACADEMIARVM OMNIVM, ATQVE ILLVSTR.
GYMNAS. JOACHIMICI CVRATORI AC DIRECTORI
SVPREMO,

ILLVSTR. REGIM. HALBERSTAD. DIRECTORI,

DOMINO SVO BENIGNISSIMO,
PATRONO AC MECAENATI

OMNI OBSEQVIO

AC PIETATIS CVLTV SVBMISSE COLENDO.

VIRO
PER-ILLVSTRI AC EXCELLENTISSIMO,
DOMINO,
DOM. FRIDERICO
DE REICHENBACH,

POTENTISS. PORVSS. REGI A CONSILIIS
SANCTIORIBVS,
SENATVS ECCLESIASTICI,
RELIQVORVMQVE COLLEGIORVM SACRORVM,
ITEMQVE
ACADEMIARVM REGIARVM

AC
ILLVSTR. GYMN. REG. JOACHIMICI
PRAESIDI AC CVRATORI
DIGNISSIMO;
ILLVSTR. REGIMINIS MINDENSIS
CONSILIARIO,

DOMINO, PATRONO
AC MECAENATI SVO,
OMNI HONORIS, OBSERVANTIAE AC PIETATIS
GENERE AETATEM SVSPICIENDO.

VT ET
VIRIS

*SVMME VENERANDIS, EXCELLENTISSI-
MIS ATQVE DOCTISSIMIS,*

DOMINO

DANIELI ERNESTO
JABLONSKI,

S. THEOL. DOCT. CELEBERRIMO,

AVGVSTISSIMO PORVSSORVM REGI A CONCIONIBVS
SACRIS,

ECCLESJARVM REFORMATARVM PER MAIOREM
POLONIAM ET PORVSSIAM SENIORI
VENERABILI ADMODVM,

CONSISTORII ATQVE CONSILII ECCLESIASTICI
MEMBRO DIGNISSIMO,

REGIAE SOCIET. SCIENTIARVM PRAESIDI GRAVISSIMO.

DOMINO

HENRICO AVGVSTO
STEINBERG,

SACRAT. REG. MAJESTATI A CONCIONIBVS SACRIS,
ET CONSILIIIS ECCLESIASTICIS,
THEOLOGO SOLIDISSIMO.

DOMINO
JOANNI ARNOLDO
NOLTENIO,

S. THEOLOG. DOCTORI CELEBERRIMO,
POTENTISSIMI PORVSIAE REGIS CONCIONATORI AVLICO
FACVNDISSIMO,
RERVMOVE ECCLESIASTICARVM CONSILIARIO
MERITISSIMO,
FAVTOBVS ATQVE PATRONIS SVIS MVLTI NOMINIBVS
OBSERVANDIS,
SPECIMEN HOC ACADEMICVM
DEVOTISSIMA MENTE
DEDICAT,
IPSORVM INDVLGENTISSIMO AC BENIGNISSIMO
PATROCINIO
SE, SVAQVE STVDIA OBSERVANTISSIME
COMMENDAT.


DANIEL CAROLVS LVTZ,
AVCTOR.

DISSERTATIO PHILOLOGICO - THEOLOGICA
DE
DVABVS AVIBVS PURGA-
TIONI LEPROSI DESTINATIS,
EARVNDEMQVE MYSTE-
RIO,

ad

Levit. XIV. 1-8.

PROOEMIUM.



Um vigente Oeconomia Veteri ex facili evenire posset, ut aliquis in pollutionem incurreret, ex omnibus tamen immunditiarum generibus non est, quod gravitate sua & aliis *περιζωσσει* cum pollutione ex lepra componi queat. Vt taceam morbi diritatem, quæ tanta erat, ut non humanis, sed divinis viribus medela illi parari posset, istiusmodi homo, vivus quidem, nihilo tamen minus mortem perpetuo circumferens, indignus habebatur, qui cum aliis hominibus versaretur, vel ullum cum illis consortium constitutum haberet. Extra urbem amandabatur, in que loco aliquo, ipsi destinato, solus solitudi-

nis tædia devorare cogeatur. In omnibus calamitatibus dulce est, molestias ex usu & conspectu suorum lenire, suasque sollicitudines in sinum fidissimorum amicorum effundere; sed vero leprofus ex amplexibus conjugis & prolis suæ avellebat, aque societate integerrimorum amicorum sejungebatur. Quare JOSEPHVS pronuntiat: *τὸς δὲ λέπρος εἰς τὸ πάντεσσι ἐξηλάσθη τῆς πόλεως, μηδενὶ συνδιατώμενος καὶ νεκρῶ μηδὲν διαφερόντας, leprofus vero omnino civitate ejecit (Moses), ut cum nemine vite consuetudinem haberent, nec a mortuis quidquam differrent, Antiq. Jud. Lib. III. Cap. XI.* Verum enim vero quanta etiam cunque sunt infortunia, illa æquo patientique ferri possunt animo, ubi Deum nobis faventem propitiumque esse persuasi sumus. Quando autem homo, lepra tactus, cum animo suo reputavit, se loco illo extrusum esse, in quo DEVS præsentiam suam modo plane singulari testabatur, quid, quæso, aliud cogitare poterat, quam, gravissimam iram atque indignationem supremi Numinis se sibi arcessivisse. Gravitas morbi hujus atque impuritatis illius in causâ fuit, ut eidem detergendæ remedia adhiberentur, quæ animum hominis sagacis per se arrigere possunt. Cum in aliis pollutionibus satis esset, ut una lustratione, vel etiam sacri-

sacrificio oblato, puritati pristinae immundus restitueretur, leprosus, purgatione facta, integrum adhuc septiduum expectare necessum habebat, & statuta sacrificia parare cogeatur, quibus factis, ad domum suam & habitaculum Domini demum accedere integrum erat. Igitur ubi leprosus tanta laboravit impuritate, oportet illius causa, vel ex ipsa morbi natura, vel ratione quadam arcaniori repeti. Lepram illius fuisse naturae, ut vel solus adspectus alios omnes ab istiusmodi hominis consortio arceat, haud difficulter concesserim; sed illius impuritatem ex natura sua tantam non fuisse, quanta per legem est habita, adseverare nullus dubito. Vnde sponte sua sequitur, ex sapientissimo Dei consilio in impuritate leprosi ejusdemque purgatione imaginem aliquam spiritualis immunditiei ac liberationis ab illa exhibitam esse. Qua de causa cum, publicum aliquod studiorum meorum Academico-
rum specimen editurus, legem *de purgatione leprosi, beneficio duarum avium facta*, explanare in mentem induxerim, ipsa natura instituti hujus monet, ut investigem: *primo, in sensum literalem, inde vero arcaniorem*, sive illius *δηλώσει πνευματικῇ* eruam. In priori parte id agam, ut legem hanc lustralem ex volumine legum Mosaicarum ac Ma-

gistrorum *devergewoeri*, quantum fieri poterit, repetam est illustrem: in posteriori declarabo arcanioris multum instituto huic subfuisse, sensus typici fundamenta demonstrabo, & ad rem spirituales transferam. Equidem hoc ipsum meum Argumentum jamdum excussit Celeberrimus Theologus & Philologus JOH. HENR. HOTTINGERVS, qui in præsentia universitatem Heidelbergensem ornat, peculiari dissertatione *de duabus aruibz leprosi purgandi*, habita Marb. Catt. 1706. Cujus lucubrationibus uti nihil detractum cupio, ita mihi passim lucem ad fuderunt ac insigni fuerunt adjumento, spero tamen fore, ut in hac mea commentatione quædam fusius ac copiosius exponantur. Cui labori ubi me, juvenem, nec ab illa scientia, quæ ad argumentum adeo impeditum ac retrusum pertractandum requiritur, instructum accingo, Deum, populi sui ductorem ac doctorem, prece ac suppliciis submisisse efflagito, ut auxilio & spiritu suo mihi adesse, meisque cœptis benigne adspirare velit.

CAPVT I.

DE

SENSV LITERALI LEGIS DE PVRGATIO-
NE LEPROSI.

ARGVMENTVM.

- §. I. *Divisio tractationis sensus literalis instituitur.*
- §. II. *Sensus vocis צפר investigatur, demonstraturque non speciem aliquam avium, sed generatim avem puram intelligi debere.*
- §. III. *Quales ex sententia legis Mosaiæ & traditionibus Magistrorum fuerint requisitæ aves.*
- §. IV. *De rebus applicationi inservientibus, ligno cedrino, lana coccinea & hyssopo differitur.*
- §. V. *De maceratione avis unius, & preparatione sanguinis ad adspersionem in vase fictili agitur.*
- §. VI. *Ad spersionem ipsa, quomodo facta, & quam pars leprosi adspargenda fuerit, ostenditur.*
- §. VII. *Altera avis, viva ad huc, ejusdemque dimissio exhibetur.*
- §. VIII. *De fine sive pronuntiatione purgationis agitur, ubi simul inquiritur in sententiam eorum, qui avem maceratam sacrificii rationem habuisse, contendunt.*
- §. IX. *Proferuntur rationes (I) Morales, quas Judæorum doctores adducere solent,*
- §. X. *(II) Symbolicæ,*
- §. XI. *Physicæ, quæ Grotio & Spencero adriserunt.*
- §. XII. *Enigmatis in rationes illas instituitur, illasque sufficientes minus esse demonstratur, quo sic via ad contemplationem sensus spiritualis ritus huius præstruatur.*

§. I.

IN explicatione legis de purgatione leprosi prima & inchoata, quam perscriptam habemus *Levit. XIV. 1-8.* dum versor, oportet considerem (I.) *Materiam sive rem*, quæ ad purgationem adhibebatur, (II.)

Applicationem illius factam leproso, (III.) *Effectum*, siue *finem*, purgationem ipsam. Materiam constituebant res, numero & natura diversæ, *aves duæ*, *lignum cedrinum*, *lana coccinea* & *bysopus* v. 4. ex quibus aves purgationis materiam proprie ingrediebantur, reliquæ res applicationis modo inserviebant.

§. II.

Aves veniunt nomine **עפרים**, quod descendit a radice **עפר** *evolavit*, *maturavit*, quia avibus solemne est summo mane surgere, feris animantibus altum dormientibus, iudice BOCHARTO *Hieroz. P. II. C. XXV.* ex mente MAH vero a rad. Arab. **עפר** *sibilavit*, *fistulavit*, *sibilo sono cecinit avis*, quoniam aves fere pleræque istum sonum exprimunt. Denotat autem omnem avem siue munda sit, siue immunda; hinc recte affirmat KIMCHI, vocem **עפר** esse nomen generale, ambitu suo comprehendens volucres omnes **עוף לכל עוף** *libro rad. p. 426.* Cum illo facit ABARBANEL non sine ratione pronuntians: **הוא שם כלל לכל לעוף כקטון כגדול** *est nomen generale cuiuscuque avis, siue majoris, siue minoris*, in פירוש התורה fol. 246. Sunt tamen viri quidam docti, qui discrimen aliquod quærunt inter **עוף** & **עפר**, per prius indigitari volunt omnes *aves generatim*, per posterius autem *mundas* tantum. Sed huic sententiæ quo minus calculum adjiciam, sequentibus impediatur rationibus, (1) quia in codice sacro vox **עפר** adhibetur de avibus promiscue sumtis, non habita ratione vel munditiei vel immunditiei illarum v. g. *Pf. CXLVIII. 10. Ezech. XVII. 23.* alia loca brevitatis causa præmitto. (2) Quia vox **טהור** *munda* voci **עפר** sine ratione adderetur, si per se avem *mundam* designaret. Nec illud extra dubium est

possi-

positum, vocem צפור denotare *aves minores*, speciatim *passeres*, quoniam hi inter aves minores sint species vulgatissima, quæ sententia adrisit AVENARIO, MERCERO & SCHINDLERO, ex quibus primus existimat, vocem græcam ψαῖς & latinam *passer* per literarum metathesin ex צפור ortum suum traxisse. Nam, ne quid dicam, vocem צפור generatim sumi pro omnibus avibus, quod ex locis superius excitatis apparet, quibus addere possumus *Deut. IV. 17. XIV. 11. XXII. 6.* observandum est, adhiberi de avibus rapacibus, interque illas *aquila*, omnium avium regina *Deut. XIV. 11. seqq.* Igitur rationem non habent prægnantem, qui per vocem צפרים hoc in loco certam quandam avium speciem designari putant, quod post HIERONYMVM, VVLGATVM *interpretem*, LYRA, CORN. a LAPIDE, BONERERIVS, pluresque alii faciunt. Provoquant quidem ad locum *Pf. CII. 8.* שָׁקַדְתִּי וְאֶחָיָה כְּצֹפֶר בֹּרֵד עַל-גִּי. *vigilavi & similis sum avi solitariae in tecto*, ubi loci vocem צפור interpretum plurimi accipiunt de *passere*, sed minus recte, quod enim colligunt ex prædicato, quod scil. *sedeat solitarius in tecto*, non proprium est solis speciatim *passeribus*, sed & aliis avibus commune. BOCHARTVS è πᾶσι intellectum vult *bubonem*, eo quod e tectorum culminibus ferale carmen edat, Hieroz. *P. II. L. I. C. XXII.* cujus rationes ad examen reuocat GVSSETIVS *Comment. Ebr. Ling. p. 721. 722.* ac vocem צפור generali hic significatione gaudere posse, ostendit. Interim non negaverim, in quibusdam locis generalem illam significationem ad certam aliquam speciem restringi, uti *Pf. LXXXIV. 4. Prov. XXVI. 2.* LIGHTFOOTVS in *Hor. Ebr. ad Lucæ XII. 6. p. m. 532.* qui pariter *passeres* ad mundationem leprosi adhibitos censet, recipit se ad verba illa R. SAL.

ISAACIDIS קול בצפוף תמיד במפפפמין חמיר *passeres qui semper garrunt pipitu vocis* Sed (α) num pipitus solis passeribus est privus & peculiaris, nonne etiam aliis avibus adscribitur, conf. *Jes. X. 14. XXXVIII. 14.* nec rejiciendum est omnino, quod cel. MAIVS observat, vocem צפור expressam esse ad similitudinem soni *Ziph*, quem exprimant aves, ad *Lex. Cocceji p. 118.* (β) LIGHTFOOTVM ex verbis illis R. SALOM. plus collegisse, quam in illis latet, ex eo fit manifestum, quoniam ad vocem טהורות notat טמא לעוף פרט *excepta ave impura*, an igitur soli passeres sunt puri, ut opponi possint impuris? Omnem scrupulum eximunt verba ejusdem ad *Joel. I. 20.* ציפוף לעופות *pipitus proprius est avibus*, conf. *Cel. HOTTINGERVS Diss. de duabus avibus leprosi purgandi p. 2.* Inde jam conficio, in loco nostro, quem tracto, non speciatim intelligendos esse *passeres*, & id quidem eo maxime, quia postulatur *puri*, quod pluribus demonstratum ivit BOCHARTVS *Hieroz. P. II. L. I. C. XXII.* Aliam viam ingressus est JO. HENR. HOTTINGERVS, qui verba R. LEVI BARZELONITÆ טהורות דרור ומביא שתי צפרים דרור vertens, *affert etiam duas aves libertatis, mundas*, explicat per *hirundines*; *est enim*, inquit, *צפור דרור avis libertatis, Hirundo*, de jure *Hebr. Lege CLXXIII. p. 257.* sed minus recte, quod si enim vox דרור alicubi notat hirundinem, hic tamen loci certam avis speciem non designat, sed potius attributum aliquod, quod omnibus avibus, quæ libertate sua ad huc fruuntur, inque libero aëre volitant, est proprium. ORIGENES per צפרים intellectas vult *gallinas*, non alia ductus ratione, quam quod Christus *Matth. XXIII. 37.* profitetur, se *gallinæ* instar ad se colligere voluisse cives Hierosolymitanos, in *Lev. XIV. Homil. VIII. p. 92. Opp. T. 1.* Sed

Sed in loco Matthæi nihil aliud agitur, quam ut similitudo inter gallinam & Christum ratione collectionis ac convocationis instituitur. Gallinæ propterea ex lege adhiberi non poterant, quoniam post mactationem alterius avis, altera viva in liberum aërem dimittenda: sunt autem gallinæ aves domesticæ, quæ aërem suo volatu non petunt, nec in illo degunt. Igitur id reliquum est, ut dicamus, nullam hic avium speciem determinari, sed quamcunque avem, modo viva esset & pura, ac tantum sanguinis, quantum ad adspersionem requirebatur, continuerit, adhiberi potuisse. Quare si quis *columbas* aut *turtures*, quæ sententia videtur placuisse BO-CHARTO Hieroz. P. II. L. I. C. XXII. & ALTINGIO ad Lev. XIV. Opp. T. I. p. 80. aut etiam *passeres* adferebat, is non committebat aliquid, quod legi erat adversum. Et videtur legislator hoc libertati hominis leprosi reliquisse, ne in conquirenda certa avium specie curâ ac solitudine se conficeret. In qua sententia sunt *interpretes Chaldaei*, itemque *Commentatores Judei*, ex *Christianis* LUTHERVS, OSIANDER, TREMELLIVS, CASTALIO, PISCATOR, DIODATVS, BELGÆ, *alii*. *Interpres Græcus*, convertendo vocem צפרים per *ορνιθια*, ad minores aves respexisse videtur.

§. III.

Aves has describit Legislator (α) a numero, (β) a qualitatibus. Numerum quod attinet, Moyses שתי *duarum* facit mentionem, quarum una mactanda, altera autem, post factam adspersionem, dimittenda. Vnde vero aves hæ parari debuerint, de eo Judæorum doctores in divortia abire video. ABEN ESRA in ea est sententia, sacerdotem, qui purgationem faciebat, aves has ex suis opibus comparasse, יסרן משלו *sacerdos ille sumsit*

(aves) *ex sua substantia*, addit tamen ilico: ויש אומרים יתנם המצורע יתנם, *sed sunt qui dicunt, leprosus dedit illas*. Quæ ipsa etiam est mens ABARBANELIS, cujus verba hæc sunt, יצוה הכהן שיקחו מנכם המטהר שהוא הצרוע וממנו שתי צפרים *præcepit sacerdos, ut comparent ex facultatibus purgandi leprosi, ejusdemque opibus aves duas*. Qualitates illarum *alias* lex describit, *alias* Judæorum magistri nominant. Secundum legem debebant esse (α) *puræ*, (β) *vivæ*. Non possum a me impetrare, quo minus adscribam verba ex *Pesikta*, quæ habentur in ילקוט ראובני p. 120.col.4. לקח למטהר שתי צפרים חיות טהורות חיות ולא שחוטות חיות טהורות ולא טמאות חיות טהורות ולא טריפות חיות בליאות *sumsit in gratiam purgandi duas aves, vivas, puras, vivas, non maculatas, vivas, puras, non impuras, vivas, puras, non dilaceratas, vivas, integras, sanas*. Quoniam igitur puræ esse debebant, ex illarum avium genere sumebantur, quibus vesci, quasque ad aram adducere integrum erat *Deut. XIV. II.* inde Magistri præcipiunt, ne petantur *ex urbe ad idololatriam seducta, aut in qua avibus cultus aliquis exhibebatur*, quemadmodum inde etiam animalia ad sacrificia arcessere non licebat, quod demonstravit *Cel. HORTINGERVS Diff. cit. p. 4.* Præter illas autem qualitates, quas lex significat, Judæorum doctores requisitum fuisse contendunt, (1) ut emtæ sint nomine viri, vel feminae leprosæ purgandæ, quod ex MAIMONIDE *de lepra C. XI. §. 1.* adducit AINSWORTHVS ad *Lev. XIV. 4.* quod probant ex verbis legis לקח למטהר *ut sumat nomine purgandi*. Quanquam tamen id non ita stricte, quod addit, fuit observatum, nec ex verbis his effici potest. Sumebantur aves in *commodum ac emolumentum* purgandorum, quod in sequentibus probabimus, num vero sum-

sumtæ fuerint *nomine* purgandi, id non æque clare ex illis elici potest. (2) Volunt, aves has debuisse esse *liberas*, ita enim in *Mischna Cod. Negaim C. XIV. §. 1.* legimus, ומביא שתי צפרים דרור, *adducit* sc. leprosus, vel alius aliquis illius nomine, *aves* דרור, quæ vox in *Thosephot Jom Tobh* & a BARTENORA obscure explicatur שדרות בבית ככשדה, quæ æque in domibus ac in agris habitant, nidulantur. Clarius exponit ABARBANEL, לא בייחיות שהן בכדות לעוף אלא חיות שלקליתן עופפות יותר *non esse domesticas, quæ ad volandum minus sunt expeditæ, sed vivas (in libero aëre felibrantes), quæ ad volandum magis sunt aptæ, in legem fol. 108. col. 4.* (3) Illas sibi per omnia similes existisse. Tradunt hoc in *Cod. Negaim C. XIV. §. 5.* שתי צפרים מוצותן שיהו שוות במראה ובקומה ובדמים ולקחתן כאחת *de duabus avibus est præceptum, ut sint æquales, quod ad aspectum, & staturam, & pretium, & uno eodemque tempore sint captæ, sive comparatæ.* Consuetudinis hujus non aliam rationem afferunt, quam quod ita a majoribus ad ipsos ore sit transmissa. Si quis vero conjecturæ locus; putaverim, ritum leprosi adcommodasse ritui duorum hircorum in solemni expiationis die. Liquet hoc passim ex iis, quæ Judæorum magistri de purgatione leprosi commentantur, ac præ aliis conferri possunt *Thosephot Jom Tobh.* Hircos autem duos per omnia sibi similes elegisse, constat ex *JOMA C. VI. §. 1.* Sed tamen & hoc Doctores Mischnici non ita necessarium reputarunt, ut, si quidem istæ æqualitates abfuerint, propterea tamen non ineptæ fuerint habitæ, אף על פי שאינם כשרות *licet æquales non fuerint, rite tamen adhiberi potuerunt, & si alia avis hodie, alia cras fuerit capta, sive adquisita, nihilo tamen*

minus aptæ fuerunt. Quod ipsum etiam de duobus istis hircis præcipiunt.

§. IV.

Res, quæ applicationi serviebant, nominantur tres, *lignum cedrinum, lana coccinea, hyssopus.* Amplissimus hic differendi campus, si prolixior esse vellem, se aperiret, quas species intelligi velint eruditi, & quæ natura istarum specierum. Sed quia hæc ad institutum meum non ita necessario faciunt, ea tacitus præmitto, tantum consideraturus, quæ Judæorum circa longitudinem, latitudinem & quantitatem harum specierum sententiâ. *Prima itaque species esto עץ ארז lignum cedrinum.* Vocem ארז ab Arabica أَرْز, quæ denotat *firmus stabilisque fuit, radicibus in solum firmiter defixis*, derivari, quoniam tum materia cedri firmitatem habeat, tum arbor firmissima nitatur radice, post GOLIVM *lex. Arab. p. 68.* & MAIVM *supplem. in lex. Cocceji p. 11.* demonstravit HILLERVS *hierophyt. P. I. C. XLI. p. 378.* Recte autem עץ ארז LXX. interpretes convertunt per ξυλὸν κεδρίνον, quod quoniam faciebat maxime, ut hyssopus eidem adjungeretur, frondes ejus atque folia sine dubio amputata fuerunt, unde a R. SAL. ISACIDE & ABARBANELE redditur ארז של מקל *baculus cedrinus.* Cavere tamen debebant sedulo, ne cortex eidem destingeretur, illa quippe detracta, ad lustrationem hanc commodum erat minus, MAIMON. C. XI. §. 1. Longitudo ejus ex magistrorum sententiâ fuit cubiti, crassities autem instar quartæ partis fulcri lecti, ita enim in *mischna* habemus, מצות עץ ארז ארכו אמה ועביו כרביע, כרע המטה, *de cedro præceptum est, ut longitudo illius cubitum, crassities autem quartam circiter partem fulcri lecti efficiat,* Negaim C. XIV. §. 6. paria cum illis habet MAIMONIDES.

NIDES. *l. c.* Propterea autem tanta longitudo illi datur, quoniam vicem manubrii præstabat, cui alligabatur hyssopus, quæ nisi fulta fuisset robustiori bacillo, ob ténueritudinem suam versus objectum moveri non potuisset. *Secunda species appellatur שני תולעת lana coccinea*, per quam intelligimus *lanam cocco tinctam* inque filum deductam, inde *LXX. interpretes reddunt* κλωσον κοικινον, qua de videri possunt BOCHARTVS *hieroz. P. II. L. IV. C. XXVII. p. 623-625.* BRAVNIVS *de vestitu sacerdotum L. I. C. XV. p. 217-241.* WICHMANS HAVSEN *de aspergillo Ebr. sacr. §. 5. p. 16.* R. SAL. ISACIDES interpretatur לשון צמר צבועה וזוהרית *linguam sive ligulam lane coccino tinctæ*. De cujus pondere ita differit MAIMONIDES *de lepra c. XI. §. 1.* שני תולעת משקלו שקל, *coccini pondus est siclus*, quod ipsum habet R. LEVI apud HOTTINGERVM *de Jure Hebr. l. c. p. 250.* Sequitur denique *tertia species*, quæ dicitur זאב, quæ vox non adeo certæ est originis. Cl. HILLERVS *hierophyt. P. II. C. VIII. p. 42.* illam per literarum metathesin vult esse ex זאב, & illud ex radice זכב *vagari*, ז prior in *z* migrante. Quæ tamen derivatio aliquantulum coacta videtur. Non *hyssopum*, sed aliam quandam fruticum speciem, singularim *rorem marinum*, ex eruditis nonnulli volunt intellectum, quam sententiam cum primis ornandam suscepit doct. FESSELIVS *advers. sacr. L. V. C. X. p. 471-473.* pro hyssopo pugnat BOCHARTVS *hieroz. P. I. L. II. C. L. p. 582, 593.* WICHMANS HAVSEN *Diff. cit. §. 2. p. 6-12.* cui sententiæ accedere nullus dubito. Illius cum diversæ essent species, quæ a locis, in quibus proveniebant, nomen fortiebantur, Judæorum doctores *communem*, nec villo nomine a loco insignitam, in hunc usum delectam fuisse contendunt. Ita enim in codice Negaim *C. XIV. §. 6.* pro-

nuntiant: מצות אֹזֶב לֹא אֹזֶב כּוּחֲלִי לֹא אֹזֶב רֹמִי לֹא אֹזֶב מִרְבֵּלִית וְלֹא כֹל אֹזֶב שִׁישׁ לוֹ שֵׁם לוֹוִי
præceptum de hyssopo quod attinet, non debebat esse hyssopus Græca, non fucata, (uti BVXTORFIVS interpretatur, sed quoniam talis hyssopus non datur, præferenda est lectio BOCHARTI לֹא כּוּחֲלִי non parietaria, vel summiæniæ) non Romana, non sylvestris, nec hyssopus, quæ peculiari quodam nomine appellatur. Quod ipsum etiam de hyssopo, quæ adspargendo cineri vaccæ rufæ, aqua viva macerato, destinabatur, adfirmant in *cod. Para c. XI. §. 7.* Sensus est, requisitam fuisse hyssopum communem, quæ neque a loco, neque ab alia quadam virtute, vel qualitate nomen sortiebatur, uti explicant BARTENORA, & R. D. KIMCHI. Præterquam autem quod illa cortice ac foliis suis instructa esse deberet, addunt ex illa debuisse egredi *tres stipites, sive caules, & unumquemque caulem habuisse tres ramusculos, Para C. XI. §. 9. conf. BOCHART. hieroz. P. II. L. II. c. I. p. 588. edit. Lond. SPENCER. de leg. Ebr. rit. L. II. C. XV. p. 358. DASSOVIVS Diff. de lustrat. Ebr. §. 10. p. 7.* Causam hujus suæ sententiæ repetunt ex *Exod. XII. 22.* ubi loci adspergillum, quo sanguis agni paschalis adspargendus, appellatur אֹזֶב אֲגֵרֶת *faciculus hyssopi*, qui tribus constet caulibus, uti R. SAL. ISACIDES interpretatur שלשה קלחין קרוין אגורה. Hyssopus autem hæc ad minimum palmam magnitudine æquare debebat שאין פחות מטפה *Gemar. Nidda fol. 26. R. LEVI apud HOTTINGERVM p. 250.* Cedrinum autem lignum & hyssopus beneficio filamentorum coccineorum colligabantur, constringebantur; ita enim in *mischna* scriptum invenimus כֹּרֵךְ בְּשִׁירֵי הַלֶּשֶׁן וְהִקִּיף לָהֶם רֹאשֵׁי אֲנָפִים וְרֹאשׁ הַזֶּזֶב שֶׁל שְׁנֵיהֶם *convolvit extremo ligula (coccineæ) & adjunxit illis extre-*
mita-

mitatem caudæ secundæ sc. avis, *Negaim C. XIV. §. 1.* Ex quibus verbis hoc colligo: cedrum quidem & hyssopum ligula coccinea colligatam a constrictam fuisse, (quæ ligula, quod ex MAIMONIDE *de lepra Cap. XI. §. 1.* apparet, totam manubrii longitudinem ambibat) non autem avem una circumligatam esse, liquet hoc ex interpretatione BARTENORÆ & R. LEVI BARZELONITÆ, extremitati autem adspargilli applicuisse extremitates alarum & caudæ avis. Quare BARTENORA in proxime seqq. addit *היה מוכן להן ראשי אנפים וראש הזנב של צפור החיה* *proxime applicuit illis* (cedro sc. ac hyssopo ita colligatis) *extremitates alarum & extremitatem caudæ avis vivæ.* Rem ita concipio; ubi bacillum cedrinum ac hyssopum ita constrinxit ligula coccinea, ut adspargilli vicem præstare possent, tum manu adplicuisse extremitates alarum atque caudæ; si enim avis una colligata fuisset, non prius dimitti potuisset, quam ligula illa soluta esset.

§. V.

Vidimus purgationis materiam, sequitur *forma*, sive *modus*, quo res illæ ad purgationem sunt apparatus, de quibus *vl. 5. 6.* inter quas primo loco occurrit *avis mactanda*. Persona, cui cura tum mactationis, tum præparatio reliquarum rerum demandatur, dicitur *כהן sacerdos*. Hic ex lege solus idoneus erat inspectioni lepræ, huic soli competebat facultas leprosum mundum vel immundum declarandi juxta *Lev. XIII. 2.* Sed quæritur inter magistros, num unus idemque sacerdos & præceperit & mactarit, an vero munus hoc alii demandarit sacerdoti, vel etiam Israëlita? Posterius affirmat ABEN ESRA *כהן אחר מן ישראל sacerdos alius* (distinctus a præ-

a præcipiente mactat) *aut Israëlita*, per leprosum autem hoc ipsum fieri potuisse pernegat, ויֵאָמַר הַמְצֹרֵעַ וְהוּא רָחוּק. Eandem sententiam expressam habemus in *Jalkut* צוֹרֵר. *præceptum dabatur per sacerdotem, sed mactatio peragi poterat per quemvis hominem*; addunt tamen sacerdotem, si voluerit, mactare potuisse, אִם שָׂחִיטָה בִּכְהֵן *etiam mactatio peragenda per sacerdotem*. Quidquid hujus est, id omne ad rationem sacrificiorum est excogitatum, ut enim victima a sacerdote jugularetur, necessarium non erat, poterat illam mactare etiam is, qui sacrificium adducebat, MAIMONIDES *de ration. aduend. templ. C. IX. §. 6.* Leprosum avem hanc mactasse, a probabili abludit ratione, quoniam adhuc impurus censebatur. Nec tamen rationem video, quare sacerdos alius, a sacerdote præcipiente distinctus, sit concipiendus. Præcipiebat sacerdos, ut ad purgationem necessaria adducerentur, sed is ipse simul avem jugulabat ac integram lustrationem peragebat *vl. 4. 5.* Idem liquet ex purgatione domus lepra affectæ, ubi nullum vestigium alterius cujusdam sacerdotis comparet *vl. 49. seqq.* Mactabatur autem ex his duabus avibus, si dissimiles sibi essent, optima, R. LEVI BARZEL apud J. H. HOTTINGERVM *de Jure Hebr. l. c.* Mactatio fiebat cultro, minime vero avis, quod alias in sacrificiis avium sollemne erat, unguescabatur. Vox enim שָׂחִיט, quæ hic reperitur, denotat *mactationem, jugulationem*, quæ fit cultro acutissimo, per jugulum animalis ducto & reducto, vid. J. BVXTORFIVS *in lex.* In quo significato etiam occurrit *Lev. I. 15. III. 2.* id quod etiam docetur in *Thorat Cohanim* מְלֹקֶה וְלֹא שְׂחִיטָה *mactata & non unguescata*. Mactabatur אֵל כְּלִיחָרֶשׁ *super vas testaceum.*

ceum. Particula **אֵל**, quod ABEN ESRA bene notavit, ponitur pro **עַל**, uti etiam 1. Sam. XVI. 23. XVIII. 10. 1. Reg. VIII. 29. 52. aliisque in locis, quo sensu etiam reddunt interpretes Græcus & Chaldæus. Vas, quod nominat hic Moses **כַּרִי חֶרֶשׁ**, appellatur in *Tboseph. Jom Tobh מִזְרֵק pelvis*, vas excipiendo sanguini destinatum. In *Negaim C. XIV. §. 1.* habemus **פִּיִּל**, de qua voce, quæ est ex Græco *φιάλη*, conferri meretur WAGENSEILIVS ad *Sota p. 355. 356.* Cum autem crateres, quos ad victimarum sanguinem excipiendum paraverat Moses, ex ære confecti essent *Exod. XXVII. 3.* (quemadmodum omnia vasa templi ex argento aut alio metallo erant MAIMON. de *ad p. templ. c. 1. §. 13. 14.*); ita e contrario vas hoc debebat esse **חֶרֶשׁ** *testaceum*, *σκευὸς ὀστρακινόν*, uti *Alexandrinus* habet, **מֵאֵן רֶחֶם**, vas ex argilla vel luto confectum, uti Chaldæus vertit. Quare autem istiusmodi vas fuerit adhibitum, hoc ipso hominem admonitum censet ABARBANEL, ipsum vasis instar fragilis esse in manu Dei figuli, *comment. in leg. p. 198. edit. Han.* Hujus generis vas pariter adhibebatur in exploratione uxoris adulterii suspectæ *Num. V. 17. Sota. c. II. §. 2.* Fictile vas, vilioris pretii ac facile parabile præscripsit Deus, quo, cum ritu hoc peracto frangendum esset, damnum æquiori animo ferri posset. De vase hoc ex traditione se accepisse perhibent Talmudici, recens omnino fuisse, adeo ut nulli rei ante id tempus adhibitum fuerit, nec nigredinem aliquam ex vetustate contraxerit, *Gemar. Sota fol. 15.* Addam verba MAIMONIPIS, qui omnem omnino usum, etiam minimum excludit, **שָׁלָא נַעֲשָׂה כֹה מְלֹאכֶת כֻּלָּל וְאִפִּילוּ בְּדַבָּר מְעוֹט**, vas, quod ad nullam omnino rem, ne minimam quidem, adhibitum fuit, *hilch. Sota c. III. §. 9. apud WAGENSEILIVM c. l. p. 356.*

Vas hoc inferviebat excipiendo sanguini avis mactatæ, prius autem in illud aqua immittebatur, cujus quantitatem definiunt per דביעיר *quartarium, logi sc. Neg. c. XIV. §. 1.* ad quem locum vid. JOM TOBH & BARTENORA. Quare vero non plus, non minus aquæ infusum fuerit, illius rei rationem hanc dant, שדם הצפור ניכר בהן *ut sanguis avis cognoscatur in ea sc. aqua*, BARTENORA ad *Negaim c. XIV. §. 1.* Aqua debebat esset viva. *Chaldeus* vertit מבוט *aquam fontis*, vel potius *ex fonte obullientem*, & Judæorum magistri חיים מים explicant per *aquas ex locoscaturientes* & *perpetuo fluentes*, ita ABEN ESRA ad *Lev. XIV. 5.* לקוחים ממקום נובע *acceptas ex loco scaturiente*, & MAIMONIDES in פרה ארומה *c. XVI. §. 1.* præcipit, sumendas esse מן המעינות הנובעין או מן הנהרות המושכין *ex fontibus scaturientibus, aut ex fluviiis se provolvuntibus*, CONF. BARTENORA ad *Neg. c. XIV. §. 1.* Excluduntur ergo omnes aquæ tepide, falsæ, lutosæ, vel quæ ulli usui ante destinatæ erant. Ita enim in Siphra scribitur: מים חיים ולא מים נלווין ולא מים מוכבים ולא מים מטנפים *aquæ vivæ, & non aquæ falsæ, nec aquæ tepide, nec aquæ exarescentes, nec aquæ polluentes.* Quæ avis ubi mactata, omnisque sanguis ipsius in subjectum vas expressus fuisset, quoad in aqua cognosceretur, sepeliebatur, juxta illud, quod dicitur in *Neg. l. c.* בפניו הפך וקובדה *foveam fecit & sepelivit in conspectu ipsius*, leprosi sc., rationem addit BARTENORA: *ne quis inde utilitatem caperet*, vel, *quod in Thosephot Jom Tobh dicitur, comederet.* Aves enim leprosi usu interdictæ erant, quare ex *cod. Kidduschin R. Jom Tobh* hæc adducit verba שיקברנו בפניו מפני החשד שלא יחשדנו שיאכלהו *sepelivit illam coram eo, ne quis suspicaretur, ac si illam comedisset.*

§. VI.

Sequitur altera avis, *viva* sc. adhuc & in adspersionis usum retenta. Hujus autem alæ & cauda adspersionis §. IV. descripto circumponebantur; ita tamen ut non una cum reliquis speciebus ope lanæ coccineæ ligno cedrino alligaretur, sed iis jam colligatis super imponeretur, & sic una cum ipsis aquæ & sanguini, vasi infusis, immergeretur. Intinctionem & adspersionem hanc aliis tantum & cauda avis vivæ, non hyssopo factam fuisse, acriter contendit cel. DASSOVIVS, aliterque sentientes refellit *diff. II. de emph. voc. sacr. commat. I. §. 5. p. 6. & de lustratione Ebr. §. 23. p. 15.* Sed dubius hæreo, num illa sententia locum suum tueri possit. Nam (1) ex lege Mosis clare apparet, non avem solum, verum etiam hyssopum intinctas, iisdemque leprosum conspersum fuisse. Postquam enim memoraverat *avem vivam, lignum cedrinum, lanam coccineam & hyssopum*, de illis conjunctim sumtis pronuntiat *וְשִׁבַּל אֶת הַיֵּשׁוּבִים* *intinxit illa*; ne quis autem existimet, avem vivam exemptam fuisse, addit *וְאֶת הַצֶּפֶר הַחַיָּה בְּדָם* *quin etiam avem vivam in sanguinem* &c. Hæc ipsa etiam est mens doctorum Judaicorum, ita enim BARTENORA ad *Neg. c. XIV. §. 1.* *וְשִׁבַּל כּוֹלֵן בִּיחָד בְּדָם וּבְמִים שֶׁבְּכָל חָרָם* *intinxit omnia illa simul in sanguinem & aquam, quæ in vase fictili adservabatur*, in eundem modum scribit R. *Jum Tobh.* Omnem dubitandi ansam adimit R. LEVI BARZELONITA *וְשִׁבַּל אַרְבַּעַתָּן כִּמִּים שֶׁבְּכָל וּבְדָם שֶׁעֲלִיהֶן* *intinxit quatuor illa (ante memorata) in aquam, quæ in vase erat, & sanguinem, qui immixtus erat*, apud HOTTINGERVM p. 251. (2) Si in aliis purgationibus adspersio facta fuit per hyssopum, ratio est nulla, quare illius usus in hac excludendus.

dus. Conveniunt interpretes Christiani, ex quibus nominamus OSIANDRUM, qui verba *Lev. XIV. 6.* ita convertit: *alium autem virum (passerem) una cum ligno cedrino & cocco, i. e. filo coccineo & hyssopo tinget in sanguinem passeris immolati.* Quot vicibus immersio ipsa facta sit, non aperte constat, septem tamen vicibus, quot vicibus nempe fiebat ad spersio, factum fuisse admodum videtur probabile. Adspergebatur autem leprosus septem iteratis vicibus, in signum perfectæ mundationis, uti scribit ABARBANEL in פירוש התורה fol. 199. col. 1. Quænam pars leprosi fuerit aspergenda, non ita accurate definiri potest, cum S. Codex illam non expresse commemoret. Ebræorum doctores in ea definienda inter se dissentiunt, aliis pro exteriori manus parte, aliis pro fronte pugnantibus. Sic scribitur in *Negaim c. XIV. §. 1.* והוא שבע פעמים לאחר ידו של מצורע ויש אומרים על מצחו *adpersit septies exteriorem partem manus leprosi, sunt qui dicunt frontem ejus.* Verum est, legem nullam partem corporis adspergendam speciatim determinasse, sententia tamen magistrorum ratione non destituitur. Circa adspersionem notant, (1) debuisse sacerdotem operam dare, ut illam partem tingeret, quam tingere intendebat, (2) ut illam corporis partem adspargeret, quæ vestibus denudata erat, conf. DASSOV. *de illustrat. Ebr. §. 10. p. 7.* Vnde consequitur, illam vel in fronte, vel in manu fieri debuisse. Si adspersionem versus unum versum hominis corpus instituisset, evenire potuisset facile, ut vestes fuerint conspersæ. Equidem BARTENORA non diffitetur, esse ex doctoribus Talmudicis, qui nullum certum locum intentum fuisse, adfirmarint, sed addit, sententiam illam in usum tradu-
 Etam

etiam non fuisse, וַיֵּשׁ אֲמִידִים עַל עֲצָמוֹ וְאִין הִלְכָּה כִּישׁ אֲמִידִים.
 Cumque tota hæc lustratio symbolica esset & typica,
 ad imitationem verborum Christi dicere possumus, qui
 adspersendus, non opus habebat, quam ut adspere-
 reretur vel frons vel manus, sed purus est totus *Jo.*
XIII. 10.

§. VII.

Adpersione peracta, avis viva dimittebatur. Ter-
 minus, ad quem projiciebatur, exprimitur *vi. 6.* quan-
 do dicitur *versus agrum*: quem & omnes fere Judæo-
 rum magistri verum agnoscunt, ita differentes in *Negaim*
c. XIV. §. 2. בַּא לֹא לְשַׁלַּח אֶת הַצִּפּוֹר הַחַיָּה אֵינּוּ הוּפֵךְ פָּנָיו
 לֹא לִים וְלֹא לְעִיר וְלֹא לְמִדְבָּר שֶׁנ׳ וְשַׁלַּח אֶת הַצִּפּוֹר הַחַיָּה
deinde se convertit ad avem dimit-
tendam; sed non vertit faciem suam ad mare, neque ad urbem,
neque ad desertum, sicuti Lex dicit: & dimittet avem vivam
extra urbem in superficiem agri, *conf. MAIMONIDES in*
הַטּוֹמָאֶת צִרְעָה c. XI. §. 1. Aliter tamen sentiunt *R. LEVI*
BARZELONITA apud HOTTINGERVM c. l. & qui eum se-
quitur LVNDIVS de Sacerdotio Levit. L. III. C. LI. p. 675. qui
 avem non agrum, sed desertum versus projectam per-
 hibent. Sed hæc sententia nullis nititur fundamentis,
 & tum ex Sacra Scriptura, tum Rabbiorum testimo-
 niis quam facillime refelli potest. Tandem quæritur:
 num avis hæc, semel in mundationis usum adhibita, si
 redierit, secunda vice adhiberi potuerit? Hic quæstio
 non est: numne avis dimissa, si statim, præsentē adhuc
 sacerdote, redierit, iterum ad purgandum leprosum ad-
 hiberi potuerit, hoc enim ex Judæorum traditionibus
 fieri minime poterat, ita enim in *Negaim c. XIV. §. 2.* *Si*
miserit eam (avem) & redierit, denuo dimittat eam, etiamsi

centies. Sed quæritur, numne ea, si post aliquod temporis intervallum redierit, denuo uti licuerit? Id quod ipsi affirmant, dicentes: צפור המשתלחה מותר לטהר בה *avem dimissam* quod attinet, *illa etiam ad alios purgandos adhiberi jure poterat. Licebat quoque illam comedere.* Nec video, quid cum ratione adversus traditionem hanc proferri possit, cum enim impedire minime possent, quo minus ejusmodi avis aliis suæ speciei avibus se iterum immisceret & denuo caperetur, facile fieri potuit, ut post aliquod temporis intervallum rediret, & cum ab ipsis non agnosceretur, vel comederetur, vel ad aliam purgationem adhiberetur.

§. VIII.

Restat demum *Finis* sive *pronuntiatio purgationis*, de qua vs. 7. quæ absque dubio ab eodem facta est sacerdote, a quo leprosus antea immundus declaratus fuerat, ita R. LEVI BARZEL. apud HOTTINGERV M. c. וְאוֹתוֹ שִׁטְמָאוֹ מִצִּיּוֹה לְטָהָר אוֹ לְטָמֵא *idem autem sacerdos, qui pollutum eum pronuntiavit, lege tenetur eundem iterum vel pollutum vel purum declarare.* Integer hic ritus eo erat comparatus, ut leprosus, postquam signa morbi immuniti, vel prorsus profligati apparebant, purus declararetur. Vbi ille castris exclusus, tempus constitutum in loco solitario egerat, sacerdos ad illum exivit, coram quo pollutus lepra adductus, quem ubi sanitati proximum animadvertit, illas res apportari jussit, quæ ritui huic lustrali necessariæ judicabantur. Et hoc est, quod vs. 4. dicitur: וְפָרַעַת הַסֹּדֶר וְסָמְסִית לְמִטַּהֵר *in gratiam* sive *emolumentum* leprosi purgandi, לֵב *enim* haud raro

raro denotat causam, ob quam aliquis ad agendum incitatur; adeo ut vel ipsi, vel alii in emolumentum vergat, vid. *Gen. XLV. 5. Num. XVIII. 8. Ps. CIV. 21.* Licet autem vivum aliquid, avis sc. mactaretur, ejusque sanguine purgatio leprosi procuraretur, non tamen rationem *sacrificii piacularis* habuit, quod R. LEVI BEN GERSOM existimavit; quam sententiam merito rejicit ABARBANEL, quoniam avis mactata alias comburi, non sepeliri debuerit, comm. in leg. p. 199. col. 1. Respicit sacrificia *piacularia*, quorum corpora integra extra castra comburenda erant *Lev. IV.* sed in horum ordinem avis hæc mactanda referri non potest, quia sanguis illius nec delatus ad altare, nec corpus ipsius igne est absumptum. Licet igitur mactatio illa avis sacrificii nomine venire non possit, nihilo tamen minus ritus hic ex consilio divino destinatus erat, ut per illum pollutio ex lepra, sicque peccatum ipsum, cuius ergo lepra inflicta erat, typice expiaretur: nam *fere omnia per sanguinem purgantur secundum legem*, καὶ χροὶς αἱματεχυρίας οὐ γίνεται ἀφεσις *Ebr. IX. 22.* Sed dicat aliquis, per adspersionem sanguinis, aqua diluti, puritas leproso conciliata non est, quia ipse aliud adhuc septiduum expectare ac victimas in sui purgationem offerre debebat, quibus factis, demum purus habebatur *Lev. XIV. 20. 31. 32.* Respondeo: Deum in leprosi mundatione *per gradus* procedere voluisse, quo de gravitate peccati, ejusque foeditate admoneretur, & distinguendam esse, inter purgationem *inchoatam* & *consummatam*. Ex parte purus habebatur, statim ac adspersio per sanguinem avis vivæ facta erat, vestimenta sua laverat, pilos corporis abraferat, totumque corpus abluerat *vs. 7. 8.* *ex toto* talis non censebatur, nisi

nisi iterata vice die octavo lotionem pilorumque omnium abrasionem suscepisset ac imperata sacrificia attulisset. ABARBANEL hominem duplicem pollutionem incurrisse, non sine ratione observat, quarum altera faciebat, ut a populo suo segregaretur, altera ipsum indignum reddebat, quo minus ad tabernaculum, communem sacrorum sedem, accederet. Prima purgatione peracta, integrum erat ipsi castra ingredi, cum tribulibus suis conversari, neque polluebat quemquam nisi attactu, non autem loca, quibus vel incumberebat, vel insidebat, inquinabat; domo tantum sua abesse, nec ullam cum conjuge consuetudinem habere jubebatur, nec ad habitaculum Dei accedere ipsi permittebatur. Quidquid autem immunditiei ipsi hucusque adhærebat, illud omne lustratione secunda tollebatur, adeo ut reditus ipsi ad Deum in publicis sacris & ad uxorem atque familiam suam postliminio restitueretur, in leg. p. 198. col. 4. *Negaim c. XIV. §. 2.* & ad illum BARTENORA,

§. IX.

Postquam igitur legem de purgatione leprosi, quantum fieri potuit, explanavi, ordo postulat, ut in rationes instituti hujus dedita opera inquiram; cum haud parum juvet, legum divinarum causas pernosce, quo sic supremi numinis sapientia se animis nostris magis uagisque commendet. Rationes autem non omnes, ex eodem profectas fonte, in medium producant. Sunt qui *morales*, sunt qui *symbolicas*, sunt denique qui *physicas* sibi in hoc instituto invenisse gratulantur. In eo Judæorum doctores ad unum omnes conveniunt, lepram peccati causa inflictam fuisse homini; quod autem

tem peccatum speciatim tantum malum arcessiverit, de eo in duas, quantum cognoscere licuit, partes secedunt. Sunt qui plura uno peccato, sunt qui singulare aliquod peccatum allegant. *Septem* illa scelera, quæ Deus detestatur *Prov. VI. 16-19.* in causâ esse, ut quis læva hac lue contabescat, sententia est magistrorum, quibus R. MEIER *sex*, quæ Deus odio habet, addit, *Jalkuth Schim. p. 456. col. 3.* Peccatum *oris* sive *linguæ* hac ipsa puni- tum fuisse, existimant alii, iique antiquissimi Judæorum doctores, ex quibus nominare possum autorem libri *Sohar*, *Pesikta*, quorum sententia exhibetur in *Jalk. Rubeni p. 120. col. 3.* 4. R. Sal. *Ḥacidem* itemque *Maimonidem* more *Neuoch. p. 494.* ac *Bechai*, qui hoc addit, serpentem illum antiquum primum omnium hac plaga percussum fuisse, quod mendacium de Deo creatore suo, sparserit: homini medelam, serpenti, diris devoto, paratam esse nullam, comm. in leg. *p. 146. col. 1. 2.* Cujus sententiæ rationes allegat *Bechai*, (1) quia מצורע *leprosus* idem sit ac רע שם מוציא *qui spargit calumniam*, sive *ob- treccationem profert.* (2) Quia *Eccl. V. 4.* dicitur אל תתן את בשרך *ne permittas ori tuo, ut pœnam (le- præ) inducat carni, corpori tuo.* (3) Adducit exempla *Mirjami*, *Gehasi*, aliorum, qui linguæ suæ præcipitantia malum hoc sibi arcessiverint. Qui igitur peccatum lin- guæ morbi hujus causam fuisse asseverant, illi fere ad ra- tiones *morales* se recipiunt. Quas quoniam R. ISAACVS KARO in *Toledhot Isaac* conjunctim exhibet, illas in bre- ve missas compendium hic adducam. Peccatorum lin- guæ ex mente ipsius tria sunt genera, (1) לשון הרע *Ma- ledicentia* (simplex), (2) רכילות *Delatio*, (3) מוציא דבה *Ca- lumnia.* Ea de causâ jussit Deus offerri duas aves, unam pro calumnia, alteram pro maledicentia, coccum vero

vermiculi pro delatione; ratio est, quia delator ad instar vermiculi carnem hominis comedit. Quod vero Deus unam avem mactari præceperit, eo indicare voluisse, purificandam concupiscentiam & linguam malam jugulandam ac mactandam esse. Quia vero calumniatoris anima dæmonibus permittenda, idcirco altera avis dimitti jubetur על פני השדה *in superficiem agri*, quod veteres Rabbini explicant: *demonibus, qui volant in agris*, sive aëre. At enim quia de calumniatore non plane actum erat, modo poenitentiam ipse ageret, avis illa ante in sanguinem avis alterius mactatæ demergenda erat, quo sic admoneretur calumniator, licere ipsi adhuc a calumnia resipiscere, quando sc. eam mactaret. Coccus vermiculi, qui delatorem adumbrabat, significavit *הקבה שחטאיו אדומים ונכתמים לפני הקבה* *peccata ipsius rubra esse & insignita coram Deo*, juxta *Es. I. 18*. Cedrum, quæ arborum maxima, & hyssopum, quæ minima omnium Deum adhiberi voluisse, quo sic indicaretur: fere majoribus minores detrahare. Plura habet de *MVIS Var. Sacr. p. 68*.

§. X.

Symbolicas rationes qui sectantur, illi mali hujus causam repetunt, partim a superbia & animi elatione, partim a linguæ maledicentia. Horum sententiam exponit R. LEVI BARZELONITA apud Hottingerum p. 249. Symbolis illis animo leprosi hoc ingestum fuisse, ut, si antequam in morbum illum incidit, elato fuerit animo, instar cedri, arboris excelsæ, se ipsum instar hyssopi humiliet. Passeribus innui, quod fecerit opus blateronis, offerendos proinde passeret esse, qui semper pipiant. Quo cocci-neum dibaphum referant, nullam certam rationem se adduce-

ducere posse fatetur, fieri autem posse, ut & hoc illi *humiliationem* sui commendet: quod si ita sit, in nomine חולץ *Vermis* ejus rei esse indicium. *Aqua* autem, quæ quilibet immundus purgatur, moneri hominem, ut semet ipsum, post ablutionem intueatur, quasi ea ipsa hora creatum, quia mundus ante creationem totus fuerit *aqua*. Mente igitur sua per similitudinem concipere, ut, quemadmodum renovatus est in corpore suo, renovet etiam omnes suas operationes in bonum, factaque sua rectificet, & vias Dei attente observet. Propterea etiam dicere Rabbinos, non legitimum esse καθαρισμὸν factum aqua, quæ *in vase asservetur*, sed *viva* tantum, aut congregata in fundo, non autem in vase, ut sic animo suo cogitet, se, mundi instar, totum esse aquam, & quod restauratus sit, ascendendo ex ea. Quod si aqua fuerit in vase, aut tantum in transitu attigerit illud, tam aptam analogiam lavanti non suppeditasse. Quæ de symbolica ritus huius significatione sequuntur, apud ipsum BARZELONITAM videri possunt. Symbolicas pariter rationes sectatur ABARBANEL, diversam tamen ab aliis viam ingrediens. Quatuor illas res, quæ vel ad *lustrationem* ipsam, vel illius *applicationem* faciebant quatuor malis, quæ cum lepra fuerint conjuncta, oppositas fuisse adleverat. Mala hæc nominat, (1) in carne, lepra affecta, nullum amplius fuisse sensum, (2) corruptionem humorum, & malignitatem temperiei sanguinis, (3) pallorem vultus, (4) foetorem ob humorum corruptionem. Adduxisse itaque duas *aves vivas*, ut ostenderet: (α) se vitæ ac sensui restitutum esse, (β) *cedrum*, corruptioni non æque obnoxiam, quo testaretur, humorum corruptionem sublatam esse, (γ) *ligulam coccineam*, quo demonstraret,

sanguinem sanitati restitutum, & rubrum illius colorem rediisse, (d) hyssopum, quo declararet a foetore se immunem esse. Porro, quod avium altera *maclata*, altera *libera dimissa* fuerit, hoc ipsum indicio fuisse, quod si ex hominibus morbo laborantibus, alius morti succumbat, alius cum valetudine in gratiam redeat, id ex consilio divino unice proficisci. Quod sanguis maclatae avis immixtus fuerit in *vas testaceum*, illud docuisse, hominem in manibus Dei formantis instar *argillae* esse. *Maclationem* avis super *aquam vivam*, significasse *legem in corde hominis*, ob illam enim non servatam avem maclari debuisset. Quod autem avis una cum reliquis rebus intincta fuerit in sanguinem, id argumento fuisse, lepram non esse morbum contagiosum ex se & natura sua, sed illam voluntate Dei homini peccatori immitti. Adspersionem *septies* factam fuisse, quoniam justus septies cadat & resurgat. Avem vivam *liberam dimissam*, quo denotaretur, leprosum non amplius *secludendum* esse, sed pro lubitu suo ire posse, quocunque velit, in *leg. p. 198. col. 4. & p. 199. col. 1.* Ex Judæo Hispano alias affert rationes *Jenkin: Thomasius* diff. de lepra Græc. & *Judeor. p. 494. 495.* quæ eo tendunt, hominem per res, in mundatione leprosi adhibitas, tanquam certa quædam signa ad resipiscentiam permotum fuisse.

§. XI.

Superfunt rationes *physicæ*, res scilicet ad purgationem leprosi, juxta legem præscriptas, ex se & natura sua ad sanitatem restituendam, quidquam contulisse. In hanc sententiam ex Judæis qui ingressus fuerit, neminem novi. Ex Christianis nonnulli sunt, qui rebus illis aliquid virium ad purgationem leprosi tribuerunt. Illustr.

Illustr. GROTIUS hyssopum adhibitam vult, quoniam ex sententia Ægyptiorum *vi purgatrice* polluerit. Idem existimat erudit. SPENCERVS, *lignum cedrinum* ob vim purgandi, *hyssopum*, quod ad purgationem plurimum valeat, *lanam*, quod abstergendis corporis sordibus apta, & *aquam* adhibitam fuisse, quod ex communi inter homines usu spurcitiam ac sordes corporis eluat, *de leg. Ebr. ritual. lib. II. c. XV. p. 356. 357.* SPENCERVS CLERICVM *ὁμοψνητον* habet, qui præterea ex illius hypothese addit, similem forsitan ritum in Ægyptiorum lustrationibus obtinuisse, cujus ratio reddi posset, siquidem primorum institutorum opinio ac mens perspecta esset; multum tamen natura sua purgationem promovisse adseverat. Lignum cedrinum cum hyssopo in morbis cutis curandis, (cui ipsi vim purgandi adscripserint Ægyptii) coccum nervis, ubi læsi fuerint, plurimum profuisse, cutique meliorem colorem conciliasse, ex DIOSCORIDE observat ad *Lev. XIV.*

§. XII.

Quod rationes illas attinet, negare non ausim, *mores* subfuisse. Pollutiones crebræ, quibus ex facili inficiebantur olim Judæi, testabantur de peccati regno, quod mortales omnes opprefferat, cujus vis per justitiam promissi sospitatoris nondum actu infracta erat. Voluit igitur Deus, qui qua *αὐτοκρατορε* Reip. Judaicæ externam civium suorum puritatem desiderabat, & qua sanctissimo fœdere ipsis junctus, internam animi sanctitatem requirebat, tetra hac lue fœditatem peccati ob animos ipsis ponere, quo lege hac tanquam *παιδαγωγῶ* ad Christum ducerentur *Gal. III. 24.* ejus gratiam ardentibus votis ac animis anhelarent, aque peccatis sibi

quam diligentissime caverent. Pœnitentiam ipsis per lepram inculcatam fuisse, bene quidem monent. Sed quando, Pharisaico corrupti fermento, illam in sua potestate positam autumarunt, externa quadam mutatione absolvi crediderunt, eandemque non tam *mediam*, quam *causam principem* reconciliationis suæ cum Deo reputarunt, a divinæ mentis consilio quam longissime discesserunt. In rationibus *symbolicis* sunt aliquæ, quæ ingenium sapiunt, sed rem omnem non exhaustiunt. In lepra considerari meretur tum *internus animi morbus*, tum *externa corporis* adfectio, ille causa, hæc effectus. Potuit igitur Deus per ritus illos externos ipsis aliquid symbolice repræsentasse de morbo suo ejusdemque sanatione, potissimum vero ipsos manu quasi ducere voluit ad illum, qui tanquam animarum medicus *Ex. XV. 26.* morbos ipsorum ablaturus *Jes. LIII. 4. Ps. CIII. 3.* vitamque restitutus esset. Si quæ *naturales* vires fuerunt rebus illis, quibus Deus purgationem parari voluit, fuerunt tamen illæ exiles admodum, nec aptæ, quæ pertinacem adeo morbum expugnare possent. Vti Deus plagam hanc peccatorum ergo immisit *Num. XII. 14. 15. 2. Reg. V. 7. 2. Chron. XXVI. 20.* ita etiam sibi soli sanationem hujus luis servavit. Non ad medicum mittebantur, sed secludebantur, sacerdotibusque in mandatis dabatur, ut ad signa morbi dedita opera attenderent. Quare bene admodum pronuntiat R. MENAHEM REKANATENSIS: *lepra est digitus Dei, ideoque non curanda ullis medicamentis, nisi manu sacerdotis, qui facit reconciliationem, quia per misericordiam reconciliatio fit pro iniquitate.* Et si quidem res hæc, si non omnem, aliquam saltem medelam malo huic attulissent, statim a principio adhibitæ fuissent; sed tum denum lustratio ex illis instituta,

tuta, ubi certissima signa imminuti morbi apparuerunt. Vfus autem, in quem dirigebantur, admodum conveniebant. Cedrino baculo firmiori hyssopus fulciebatur, quo hac ipsa, utpote teneriore, adpersio fieri posset. *Hyssopus habet folia parva, frequentia & tenera, eaque leviter villosa, quæ in aquam aut sanguinem immersa, humorem statim imbibunt, & eundem excussa facile emittunt, adeoque ad adpersionis usum a natura pene facta & consecrata, sunt verba magni BOCHARTI hieroz. P. I. L. II. C. L. quæ ex ipso, tacito tamen illius nomine, repetit SPENCERVS de leg. Ebr. ritual. L. II. C. XV. Sect. IV. p. 358.* Colligabantur cedrinus baculus & hyssopus filo coccineo, quo sic eo melius illi fini inservire possent, cui destinata erant. Hanc igitur relationem res hæ ad se invicem & ad morbum externum habuerunt, quam vero præterea habuerint ad morbum *internum*, quarumque rerum symbola, ratione habita spiritualis immunditiei, exstiterint, de eo CAP. II. agemus. Forte etiam, quod magistri notant, adpersio facta in *fronte* §. VI. quoniam in vultu, quod medici observant, (conf. JENKIN. THOMAS. *diff. de lepra Græc. & Ebræor. p. 477.*) se illius vis maxime prodidit, unde etiam de Vssia commemorat sacer scriptor: והנה הוא מצרע במצחו & ecce ipse lepra percussus erat in fronte sua 2. Chron. XXVI. 20.

CAPVT II.

DE

SENSV MYSTICO LEGIS DE PURGATIONE LEPROSI.

ARGVMENTVM.

§. I. Refutatur sententia Cl. CLE-
RICI, qui rationes mysticas lepræ

ac purgationis ab illa, commenti
loco habet, fundamenta item
signi-

significationis typicæ proponuntur.

§. II. Leporam esse symbolum hominis naturaliter quidem viventis, sed manifestissima mortis spiritualis signa præ se ferentis; inde purgationem per aves præsignificasse Christum, propter peccata nostra mortuum, & ob iustitiam nostram in vitam revocatum.

§. III. Convenientia typica (I)

§. I.

QVando igitur ex iis, quæ proxime sup. Cap. disputavi, abunde apparet, lepram fuisse morbum a Deo peccati causa immissum, eundemque non humana ope, non manu medica, non beneficio rerum illarum, quibus purgatio peragebatur, sanatum, prono alveo sequitur, totam leprosi sanationem symbolicam, resque ad illam obtinendam destinatas, sublimiorum rerum typos atque adumbrationes existisse. Sed ne idem mihi occinatur, quod CLERICVS ad BOCHARTI significationes mysticas, quas ritui huic lustrali subjecit, regessit: hæc maiore ingenio, quam ratione viri docti comminiscuntur, tacente Mose, ad Lev. XIV. 4. comment. p. 260. oportet solida fundamenta demonstrationi typicæ substernere. De lege generatim pronuntiat Paulus, σκιαὶ ἔχουσιν τῶν μελλόντων ἀγαθῶν Ebr. X. I. coll. Col. II. 17. in illa esse ὑποδείγματα τῶν ἐπηρεασιῶν Ebr. VIII. 5. IX. 23. Qui igitur omnes demonstrationes mysticas incertitudinis ac commenti insimulant, minus caste ac reverenter de sapientia Dei loquuntur. Vellent illi, genti Israëliticæ stupida,

inter duas aves & Christum pro peccatis nostris mactatum, indeque vita redditum demonstratur.

§. IV. (II) Adpersio facta ope adspersionis componitur cum applicatione iustitiæ Christi, quæ vel gravissimi peccatores a morte spirituali vindicantur, in iisdemque vita, quæ ex Deo est, restituitur.

dæ, aque omni sapientia desertæ, leges ex Ægypto, necessitas, præscriptas, quibus nulla mens, nec ratio intra ne per legum ritualium umbras promissiones meliorum bonorum ipsis factas esse, agnoscere cogantur. Ut Moses rationem mysticam adjiceret, necessum non erat, sufficit, lepram ita describi, talemque natura sua fuisse, ut spiritualis rei effigies esse possit: cui si accedat testimonium aliorum sacrorum scriptorum, lepram ejusdemque sanationem tanquam indicium ac delineationem rei cujusdam sublimioris respiciendam esse, & accurata convenientia inter morbum hunc & rem spirituales indicetur, non video, quid in hoc demonstrationum genere præterea postulari queat. Perpendat igitur quis velim, (1) leprosum impurum habitum non esse ante, quam talis a sacerdote fuit declaratus, lepræ, si quidem supervenerit sponso, durantibus epulis nuptialibus, vel, cum festi dies, qui septem dierum circulo circumscribebantur, hominem invaserit, rationem habitam esse nullam, propter lepram non profanorum deorum cultorem, sed Israëlitam impurum reputatum esse, lepram, per omnem corporis superficiem prorumpentem, imminuentis munditiei signum habitam fuisse; ne quid dicam de rebus vita ac sensu destitutis, lepræ sordibus haud raro inquinatis, quod solide demonstratum dedit doctissimus OVSELIUS *diff. de lepra cutis Ebræorum* §. 23. p. 46-49. unde hoc conficio, lepram non tam *physicam*, quam *moralem* impuritatem intulisse. (2) Lepram fuisse symbolum peccati. Liquet hoc ex *Ps. LI. 9*. David enim homicidio ac adulterio pollutus, ubi petit *expiationem peccati ope hyssopi*, satis innuit, peccatum se lepræ instar infecisse. Equidem me non fugit, *interpre-*

Sem Chaldeum in ea esse sententia, hic ad adspersionem, factam cinere iuvencae rufae respici, quam ipsam etiam sententiam acriter defendit cel. DASSOVIVS diss. *de lustratione Ebraeorum* §. 17. 18. p. 11-13. & de *Emphas. voc. sacr. II.* §. 5. p. 6. sed nullus fere dubito, quin simul in adspersionem leprosi digitus intendatur, quæ ipsa etiam est mens R. SALOM. ISACIDIS. Nolim quidem cum Judæis dicere, ipsum Davidem *externa lepra* propter peccatum laborasse, quod probare volunt ex vl. 10. עֲצֻמֹת דָּבִית *ossa contrivisti*, quia lepra non tam ossa carne vestita adficebat, quam externam cutis superficiem occupabat. Certius nobis nascitur argumentum ex vl. 18. 19. ubi David canit, non delectari Deum זָכַר *sacrificio*, (piaculari sc.) neque *holocausto*, sed *spiritu fracto* atque *contrito*. Substituitur igitur hic sacrificium spirituale sacrificio alicui externo, in quo mactatio pecudis obtinebat, per quam typica peccati expiatio procurabatur. Jam vero mactatio pecudis non imperatur *polluto ex contactu mortui* Num. XIX. sed *leproso* Levit. XIV. 12. seqq. Nuditatem, quam Deus interminat filius Zionis Jes. III. 17. in *Pesikta* Judæorum doctores explicant de *lepra*, *Jalkut Rubeni* p. 120. col. 1. Sed illos nihil moror. Meliori jure huc referri potest querela Judæorum ultimi temporis: וְנִינוּ כְּטִמָּא בְּלֹנוּ & *sumus instar impuri nos omnes* Jes. LXIV. 5. leprosus quippe labia obvelare ac *impurus*, *impurus* proclamare jubebatur Lev. XIII. 45. Et sunt certe Judæi hodierno die, ob pervicaciam suam ac errores inveteratos in statu lepræ spiritualis, manifestissima signa spiritualis mortis præ se ferentes. Cum igitur lepra symbolum peccati haberetur, leprosus peccator, & quidem gravissimus, est judicatus; quare cum leprosus, victi-

victimās pro purgatione sua petiturus, sigillorum præfectum adiret, tesseram illi dedit, cum hac epigraphe חוטא peccator, MAIMONID. de *apparatu templi* C. VII. §. XII. Sumitur autem vox חוטא, uti etiam græca *μαρτωλος* aliquando in emphasi pro homine peccatis, præ aliis, insigni. Esse autem lepram symbolum peccati, ipsi agnoscunt Judæi, ita enim REKANATENSIS scribit: *veram rationem præcepti (de lepra) nemo intelligit, nisi qui novis vires immunditiei, effusas ab antiquo serpente.* Qua ratione autem lepra symbolum peccati haberi queat, docet ALTINGIUS ad *Levit. XIII. T. I p. 79. 80.* (3) Messiaæ justitiæ, ejusdemque spiritum eluendis peccatorum sordibus, destinatum esse *Ezech. XXXVI. 25. Zach. XIII. 1.* quem utrumque locum prisca Judæi de Messia sunt interpretati, RAIMUNDVS MARTINVS *pug. fidei P. III. disc. III. C. XIII. pag. 819. 820.* Nec vulgare aliquod mysterium in purgatione leprosi per duas aves latere, agnoscit MENAHEM TZIIVNI, componendum ad rationem duorum hircorum expiationi populi Israëlitiæ sacrorum, פנימיות הסוד הוא בטעם, *interiora arcani hujus quærenda in ratione hirci emissarii*, JALK. RVBEN. p. 120. col. 4. (4) Christum in diebus carnis suæ leproso sanando *Matth. VIII. 1-4. Marc. I. 40. seqq. Luc. V. 12. seqq. XVII. 12-19.* demonstrasse, se verum esse Deum. Morbus erat, cui Deus tantum mederi poterat, cumque ipsos ad sacerdotes tantum ablegavit, ut *dona*, sacrificia imperata, offerrent, omiſsa adſpersione, ostendit gratiam atque potentiam suam sufficere ad hominem, tum a lepra externa corporis, tum a spirituali peccati liberandum. (5) Adspersiones, quæ sub veteri obtinuerunt oeconomia, quibusque a pollutionibus mundabantur, adumbrarunt vim satisfactio-

nis Christi, per fidem sanctam ac vivam applicandæ *Ebr. IX. 13-21.* Inde iustitia Christi a nobis apprehensa, peccata nostra tegens & expungens, dicitur *αἷμα ῥαντισμὸς Ebr. XII. 24. 1 Petri 1. 2.* & quibus beneficium hoc per operationem spiritus obsignatur, ut intimo remissionis peccatorum suorum sensu adficiantur, dicuntur *ῥαντισσόμενοι τὰς καρδίαις Ebr. X. 22.*

§. II.

Quæ veritates cum a nemine, qui reverentia in oracula divina ducitur, negari possunt, hoc confectarium inde elicio: *per sanationem leprosi, beneficio duarum avium, aliquid in Christo præsignificatum fuisse, quod in liberationem hominis a peccatis, iisque gravissimis, vergat.* Quid vero illud præcise sive ex officiis, sive beneficiis Christi sit, quod per ritum hunc spectetur, illud apparebit, ubi naturam lepræ spiritualis cognitam habebimus, & simul, quæ *σχέσις* Christi ad illam sit, nobis constabit. Lepram symbolum esse peccati in §. proxime sup paucis est indicatum, nec meum est, convenientiam, quæ inter lepram & peccatum intercedit, ostendere, quod a viris doctis *BAVMANNO, ANTONIDE, VITRINGA, LAMPPIO, aliis,* abunde est præstitum. Id tantum dico, lepram esse symbolum hominis viventis quidem secundum principium vitæ naturalis ac ductum corruptarum concupiscentiarum, qui tamen manifestissima mortis spiritualis signa præfert, eaque de causa confociatione Dei & sanctorum est exclusus. Leprosus, vivus licet, toto corporis sui habitu mortis speciem repræsentabat, quare Moses de Mirjamo dicit: *ne queso sit mortui instar Num. XII. 12.* & JOSEPHVS affirmat, leprosum a mortuo non differre, quod ipsum etiam dicit Autor libri *Cosri האכר המצורע במת membrum hominis leprosi est quasi mortuum, p.*

125. Igitur spiritualiter designatur *homo naturaliter* quidem *vivus*, sed *spiritualiter mortuus*, qui ζῶν τεθνήκε, ut phrasin Pauli in usum meum convertam 1. Tim. V. 6. Ad restitutionem autem hominis ita spiritualiter mortui cum requiratur, ut mors spiritualis destruat, ac vita, quæ ex Deo est, restauretur, per purgationem ex aubus præsignificatam fuisse *mortem* pariter atque *vitam* Christi, quam ex morte resumpsit, quarum altera *mortis potentiam abolevit* Ebr. II. 14. altera vero *vitam atque incorruptibilitatem reduxit* 2. Tim. I. 10. tuto adfirmari potest. Quare nullus omnino adseverare dubito, *avem maculatam* referre Christum, pro peccatis mundi morti succumbentem, *avem vivam* vero, illamque, facta adspersione, liberam dimissam, effigiare Christum ex mortuis redivivum, adque patrem suum in cælum abeuntem. Mysterium hoc jam dum antiqui Ecclesiæ doctores viderunt, ex quibus cum primis nominare possum CYRILLVM Alexandrinum in Levit. Opp. T. I. p. 356. 357. & THEODORETVM Opp. T. I. p. 127. 128. Duo *passeres* sunt ipsis *duæ naturæ* in Christo, arctissimo conjunctionis vinculo sociatæ, quarum utraque suum ad redemptionis humanæ opus confert, *lignum cedrinum* CYRILLO est *caro* ipsius *sancta*, corruptioni non obnoxia, THEODORETO *divinitas*, *hyssopus* efficacia *Spiritus Sancti*, *coccinum conglomeratum* incarnationis *modus*, *maculatio avis*, *mors Christi*, *dimissio avis vivæ*, *vita*, qua mortem superavit, *adspersio baptismus*.

§. III.

His igitur fundamentis solidis, uti, puto, jactis, ad ipsam συγκαθάρσις πνευματικὴν ut progrediar, ordinis ratio flagitat. Dixi §. sup. duas illas aves typice effigiassse Christum, eundemque pro peccatis nostris mortuum & pro-

pter iustitiam nostram vitæ restitutum. Cum ave se-
 se Christus comparat *Matth. VIII. 20. XXIII. 37. Luc. XIII. 34.*
 quibus alii addunt locum *Thren. III. 53.* Quodsi enim
 adpersio denotat imputationem iustitiæ Christi §. I. num.
 5. aves ipsum Christum tanquam causam præsignificas-
 se, constat. Et quidem Christus cum ave optime com-
 poni potest, (1) ob alacritatem suam, quam in exequen-
 dis mandatis patris sui cœlestis demonstravit, (2) ob in-
 fidias hostium, qui ipsum ad avis instar sunt insectati,
 ita ut, laqueos ipsorum positos evitaturus, modo huc,
 modo illuc fugere fuerit coactus. Numerus binarius avi-
 um, non tam indicat *duas in Christo naturas*, quod sup.
 §. ex patribus CYRILLVM & TEODORETVM adseverare de-
 monstravi, quoniam, quatenus ipse est purgatio pro
 peccatis nostris, ut *Θεωδωρος* necessario spectari debet,
 sed significat duplicem Christi statum *exinanitionis* scili-
 cet & *exaltationis*. Puritas harum avium symbolum erat
perfectæ sanctitatis Jesu Christi *Joh. VIII. 46.* qui nullis pec-
 catorum sordibus fuit maculatus *Ebr. VII. 26.* coll. *1. Petr.*
II. 22. quæ causa est, quare *ἀγιασμος* noster fieri potuerit
1. Cor. I. 30. Aves hæ non petebantur ex *orbe idololatriæ*
dedita, sic Christus noster non ex *gentilibus*, sed *Isræele*
oriundus Rom. IX. 5. Avis *maçtata* Christum referebat,
 qui ut iustitiæ divinæ faceret satis, nobisque *ἀπολυτρωσι*
 pararet, *percutiendus* erat *Jes. LIII. 5.* ad maçtationem ad-
 ductus v. 7. qua de causa ipse appellatur *ἀρνιον ἐσφαγμενον*
ἀποκαταβολῆς κόσμου Apoc. XIII. 8. Maçtabatur autem avis illa
extra castra, sic etiam Christus, ut *sanctificaret populum*
per proprium sanguinem ἐξω τῆς πόλεως ἐπαθε Ebr. XIII. 12. San-
 guis, quem maçtata avis emittebat, *manabat in aquam*,
 quam subiectum vas continebat. Elegans certe emble-

ma obedientiæ Christi tum *activæ*, tum *passivæ*, quam utramque patri suo præstitit, ut perfectam liberationem a peccatis nostris nobis procuraret. Sanguis facit ad obtectionem peccatorum nostrorum, ne illa in conspectum Dei veniant, sicque illo a peccati reatu immunes declaramur *Pf. XXXII. 1.* coll. *Rom. IV. 7.* aqua ad *purgationem*, qua *sordes* peccatorum nostrorum eluuntur, quod fit per *sanctificationem*, qua peccati macula tollitur, quæ causa est, quare obedientia Christi aquæ confertur *Joh. III. 5.* coll. *Ezech. XXXVI. 25.* Sanguis cum aqua miscebatur, perpeffiones Christi per purissimum ipsius obsequium sanctificabantur, quare Christus dicitur *venisse cum sanguine & aqua* *1. Joh. V. 6.* & in illius rei indicium ex latere ejus aperto *fluxit sanguis & aqua* *Joh. XIX. 34.* Avis matata non longe a loco, ubi purgatio leprosi instituebatur, *terra obruebatur*: Christus in horto, non multum a cruciatuum loco Golgotha *Joh. XIX. 41.* terræ mandabatur. Avis autem *viva*, quæ manibus constricta tenebatur, in liberum *aërem dimittebatur*: Christus, qui ante tanquam reus in iudicio divino detinebatur *Jes. LIII. 8.* posteaquam ad ultimum quadrantem vsque omnia illa solverat, quæ nos debitis nostris contraxeramus, ubi mortis faucibus ac sepulcri claustris fuit expeditus, tandemque cœlestes sedes repetiit, ab omni accusatione immunis est declaratus *Actor. II. 24.* & per sanguinem proprium semel intravit sacrarium cœleste *αἰώνιον λυτρώσιν ἐυχαρίστων* *Ebr. IX. 12.*

§. IV.


Consideravimus aves, ipsam purgationis materiam ingredientem, repræsentamina mortis atque vitæ Christi, qui qua princeps causa munditiei nostræ spiritualis *traditus*

ditus est (in mortem) propter offensas nostras, exsuscitatus in nostri justificationem Rom. IV. 25. Accedam nunc ad causam mediam, cujus beneficio sanguis aquæ mixtus in leprosum derivabatur. Illam constituēbat adspersillum, cuius antitypon habemus in verbo Evangelii, quod ubi, accedente efficacissima spiritus sancti operatione, in fide accipitur, *cor purificat Act. XV. 9.* Constat illud *baculo cedrino, hyssopo ac ligula coccinea*, quæ circumligabatur & circumplicabatur. Per *baculum cedrinum* BOCHARTVS intelligit *divinam Christi naturam* incorruptibilem & æternam, per *hyssopum* tanquam minimam fruticem, *naturam humanam*, & quidem quatenus illa cruciatibus ac morti fuit subiecta, cujus figuram sustinuit *coccus*, quæ ipsa etiam est sententia ALTINGII, quam sequitur BIERMANNVS & alii. COCCEJVS hic non multum discedit, nisi quod *applicationem*, quæ fit per *verbum Evangelii* simul includat. MOMMA per *cedrum patrem*, per *hyssopum filium*, eumque humilem & spretum, per *coccinum spiritum sanctum* vult intellectum. Sed hæc sententia hoc incommodi habet, quod tum Christus in uno eodemque typo nobis sub eadem relatione, mutato tantum symbolo, obveniret. In negotio purgationis a peccatis & patri & filio & spiritui sancto suæ sunt partes, sed ubi filium pro peccatis nostris patientem & resurgentem tuemur, supponitur, ipsum a patre ad hoc munus destinatum esse, spiritus sanctus per operationem verbi virtutem suam exserit. Igitur per cedrum intelligo verbum Dei, quod, quemadmodum *cedrus cariem vetustatemque non sentit*, uti docet PLINIVS H. N. L. XVI. C. XL. conf. SERVIVS ad *Virgil. Aeneid. L. VII. vs. 178.* ita etiam *verbum Dei manet in æternum* 1. Petr. I. 25. est *semen incorruptibile regenerationis*

nis vs. 23. est potentia Dei ad salutem Rom. I. 16. per quod, ineluctabili spiritus potentia roboratum, vita spiritualis restituitur. *Hyssopus, eximii odoris herba*, LEV. LEMNIVS *herb. biblic. explic. c. XXVI. p. 59.* refert virtutem verbi divini, quod ubi debito cum pietatis affectu excipitur, est *οσμη ζωης εις ζωην* 2. Cor. II. 16. *Ligula coccinea*, quæ cedrum & hyssopum constringebat, effigiare potest tum verbi hujus confirmationem, tum ejusdem argumentum. Vti enim in initiatione foederis Sinairici liber legis victimarum sanguine conspergebatur, Exod. XXIV. 8. Ebr. IX. 19. ita doctrina Evangelii per mortem Christi cruentam, & martyrum supplicia est firmata, eademque illa complectitur τὸν λόγον τῆς σωτῆρος I. Cor. I. 18. Sanguinem mactatæ avis sacerdos excipiebat in vase fictili, ita fidi verbi divini ministri, qui debent esse vasa parata in gloriam Domini sui 2. Tim. II. 21. habent thesaurum hunc in vasīs fictilibus 2. Cor. IV. 7. Qui ubi ex bono thesauro cordis sui expromunt verbum gratiæ & vitæ, quod ipsi instar pretiosi depositi servant, 1. Tim. VI. 20. 2. Tim. I. 14. ejusdem beneficio obedientiam Christi hominum animis insinuant, ut, impetrata per fidem remissione peccatorum, per spiritum regeneriti, in sanctitatis studio in dies proficiant Ebr. IX. 14. sensu longe excellentiore id præstant, quod sacerdotes V. T. per adspersionem illam sanguinis fecisse lex memorat. Adspersio hæc septies repeti debebat, quemadmodum etiam Naaman Syrus Jordanis aquas septies subire, seque lavare jubebatur 2. Reg. V. 14. numerus septenarius & in S. S. & apud philosophos gentiles, maxime Pythagoræos, pro perfecto habetur; hac igitur septenaria adspersione perfecta purgatio a peccatis, sanguine Christi parata, est præfigurata Ebr. IX. 12. Vel hoc ipso spes certa est facta,

fore, ut obedientia Christi in solatium peccatoris per septem tempora Ecclesiæ ope verbi divini dispensaretur. Vti igitur ex his clare admodum apparet, per hunc adspersionis ritum delineatam esse vim Evangelii, efficaciam obedientiæ Christi præferentis peccatoribus gravissimis, gentilibus, ut, cum ante alienati essent a civitate Israelis Eph. II. 12. jam adducti sint ad montem sanctitatis Dei & lætificentur in domo orationis ejus Jes. LVI. 7. quin imo partem sortis sanctorum in luce accipiant Col. I. 12. ita speciatim præsignificatus est reditus Israël carnalis ad consortium Dei & Ecclesiæ. Prouti enim illi gravissime impegerunt in Jesum Nazarenum, magnum illum prophetam, proptereaque consortio Dei & Ecclesiæ sunt extrusi, & manifesta lepræ spiritualis signa ostentant; ita etiam spes est, fore, ut ultimis temporibus i.e. septima Ecclesiæ periodo *Jehovam Deum suum* & *Davidem suum requirant* Hof. III. 5. Sed meditationi huic indulgere, chartæ angustia minus permittit, qui Deo sanctificatori Israël immortalis gratias pro præstito mihi auxilio persolvo, cui sit laus in sæcula sæculorum.

F I N I S.



PER-EXIMIO ac DOCTISSIMO

DOMINO RESPONDENTI AVCTORI

S. P. D.

P R Æ S E S.

C*Um proxime superiori anno ex academia Marpurgensi redux, TE, Vir Juuenis Præstantissime, Nostris de nouo adiungeres, inque priuatis nostris circulis, Et respondendo, Et opponendo doctrina, ingenii ac dexteritatis haut vulgaris satis luculenta documenta dares, fuit id quidem magnæ mihi voluptati: sed maiori gaudio sum perfusus, ubi sententiam mihi TVAM de conscribenda ac sub præsidio meo defendenda dissertatione non ita pridem significasti. Ex argumentis illis, quæ tum temporis in medium proferebas, illud mihi maxime probabatur, quod nunc operarum formis exscriptum in publicum prodire iubes, utpote quod sacratioris disciplinæ nostræ medullam attingit, ac per omnem vitæ spiritualis ambitum se diffundit. Quam singularum partium delineationem ac dispositionem, suadente me, chartæ ille,*


illeueras, se mihi a deo commendabat, ut de felici laboris successu nullus omnino dubitarem. Cumque secundum illam *ὁμολογίαν*, quam iudicio meo ante subiiciebas, lucubrationes TVAS postea dirigeres, inde ingenium, doctrinam ac sagacitatem TVAM in argumentis inueniendis, iisdemque apte collocandis perspicere potui. Quæ passim inspersi, (nam nec illud diffiteor, nec TVA modestia prohibet) illa ad amplificationem ac illustrationem argumentorum TVORVM spectant: ut hinc, quidquid huius est commentationis, id omne TVÆ industriæ, tum ratione partium se invicem consequentium, tum ratione elaborationis debeatur. Gratulor igitur TIBI, Vir Iuuenis doctissime, de egregio eruditionis specimine, DEVMque populi sui rectorem deuota mente veneror, ut TE luce spiritus sui collustrare, TEque in usum cœtus sacri virtutis, pietatis ac illibata sanctimonie decore magis magisque exornare velit, quo ex corde puro aquas salutis non latulentas exprimere ac gratie diuina laticibus quamplurimis munditiem animi internam conciliare, sicque illos consortio DEI ac sanctorum adiungere possis. Vale iterum atque iterum in DOMINO, quem precor, ut cursum vitæ futuræ ad nominis sui gloriam clementissime prouebat. Scribeb. Hala Magdeb. ad d. IV. Aug. A.C. M DCC XXXVII.

Quam

Quam præstans sit opus studiis simul adde-
 re praxin,
 Exemplo monstras, Dulcis Amice! Tuo.
 Sicut enim nucleus nil prodest cortice tectus,
 Nullius est usus mens quoque docta latens,
 Commeritas auget Thematis præstantia laudes,
 Quod Tibi virtutis suppeditavit amor.
 Ipse Deus sanctus cœpto benedicat abunde,
 Ut tandem purus pandere sacra queas.

*Hicce Nobilissimo Domino Respondenti, Eximia
 hujus Dissertationis Auctori, de solido E-
 ruditionis Suae specimine gratulatur, se-
 que Ejus amicitia atque benevola recor-
 dationi commendat*

A. A. Hottinger, S. M. C.
 Opp. Ord.


 Er wahren Weisheit Kern und Krafft
 Verdammt zwar alles stolze Prahlen,
 Doch ist es Ihre Eigenschafft,
 Bisweilen hell hervorzustrahlen.
 Sie untersucht was gut und recht,
 Sie lehrt das menschliche Geschlecht,
 Und wen Sie einmahl eingenommen,
 Bey dem muß zu bequemer Zeit
 Die Probe Ihrer Trefflichkeit
 Mit Glück und Ruhm zum Ausbruch kommen.

Freund! Dein Exempel lehret schon,
 Die Wahrheit dessen was ich sage;
 Die Weisheit zeigt Dich Ihren Sohn
 An diesem Deinem Ehren-Tage:

Sie zeigt Dich, Sie prangt mit
Und Du besizest schon von ihr,
Die Gaben Ihren Ruhm zu meh
Ein jeder wartet Sehnsuchts-vo
Bis er die Freude haben soll,
Dein freundlich Streiten anzuhö

So nimm denn diesen Ram
Der Himmel lasse dessen Stufen
Ein Hoffnungs- volles Zeichen se
Dich ehstens höher zu berufen:
Die Hoffnung windt, die Vorsic
Wer weiß was Sie schon ausge
Den Fortgang Deines Glücks
Und sucht Dich dies zu seiner Ze
So laß mir Deine Gütigkeit
Und Freundschaft ferner eigen bl

Hiermit wünsch
zu dieser Pr
Glück

DVm docte illustras vete
Abramidum, LVTZ
Det DEVS, ut quovis
Fontibus ex puris fu
In decus aptatum sic vas exi
Christi, quam multi
Quo facto, certe cum puris g
Olim gustabis, ne

*Paucis hisce se
gena prosp
Rl, Amico*

Joh.



Jo

angt mit Dir,
on ihr,
n zu mehren:
ichts-voll,
soll,
n anzuhören.
sen Kampf-Platz ein,
Stufen
Zeichen seyn,
erufen:
ie Vorsicht lacht,
on ausgedacht,
Glücks zu treiben;
seiner Zeit,
tigkeit
er eigen bleiben.
ermit wünschet dem Verfertiger obiger Schrift,
zu dieser Probe seiner Gelahrtheit vieles
Glück

F. S. S.

tras veterum *lustralia sacra*
, LVTZI, gratulor ipse TIBI.
quovis *lustratus* crimine, quondam
puris fundere detur aquas!
c *vas* existes in æde
m multis munditiemque feres.
m puris gaudia cœli
is, nectar & ambrosiam.

*Lucis hisce sincerum affectum cum voto omni-
gena prosperitatis Clarissimo Dn. AVCTO-
RI, amico suo integerrimo, testari voluit*

Joh. Gothofr. Michaelis,
LL. Cult.

